

天津府志卷之三十九

藝文志

詩

五古

同敬八盧五汎河間清河

唐高適

清川在城下沿泛多所宜同濟愜數公玩物欣良時飄
飄波上興燕婉舟中詞昔涉乃平原今來忽漣漪東流
若滄海西流延滹池雲樹共晦明井邑相逶迤稍隨歸
月帆若與沙鷗期漁父更留我前潭水未滋

送高三十五書記十五韻

唐杜甫

天津府志

卷之三十九

藝文詩

一

啞峒小麥熟且願休王師請公問主將焉用窮荒為饑
鷹未飽肉側翅隨人飛高生跨鞍馬有似并州兒脫身
簿尉中始與捶楚辭借問今何官觸熱向武威答云一
書記所愧國士知人實不易知更須慎其儀十年出幕
府自可持旗麾此行既特達足以慰所思男兒功名遂
亦在老大時常恨結歡淺各在天一涯又如參與商慘
慘中腸悲驚風吹鴻鵠不得相追隨黃塵翳沙漠念子
何當歸邊城有餘力早寄從軍詩

發白沙口次長蘆

宋黃廷堅

驚師救首尾我為制中權挂席滿風力如摧强弩弦曉

放白沙口長蘆見炊烟一葉托秋雨滄海百尺船反觀
世風波誰能保長年念昔聲利區與世閱周旋大道甚
閒暇百物不費捐誰知目力淨改觀舊山川

送李端叔從辟中山

宋秦觀

人畏朔風聲我聞獨寬懷豈不知凜冽爲自中山來端
叔天下士淹留蹇無成去從中山辟良亦慰平生與君
英妙時俠氣上參天孰云行半百身世各茫然當時兒
戲念今日已灰死著書如結菴聊以忘憂耳駸駸歲道
盡淮海歸無期功名良獨難雖成定奚爲念君遠行役
中夜憂反側攬衣起成章贈以當馬策

天津府志

卷之三十九

藝文詩

二

登古河隄

元薩都刺

迢迢古河隄隱隱若城勢古來黃河流而今作耕地都
邑變通津滄海化爲塵隄長燕麥秀不見築隄人

夜行至香魚館

明陶安

目送寒日墜暮色變蒼黃起顧已昏冥前店安可望遊
子且宵征苦恨晝不長雪深迷古道車陷心愈忙缺月
未出時粲然衆星光四無雞犬聲瓊田曰茫茫忽逢人
夜語爲我指康莊漸至香魚館叩門燈照床主翁起迎
勞飲以壺中漿笑問來何遲吹火煮糗糧因知造物心
不使罹害傷命途此可卜力善何敢量

登大臺山

明 鄧 漢

暑闌天宇淨，金風颺素秋。感茲變氣候，肇爲名山遊。孤
征挾真想，靈構縱冥搜。沉吟化遷境，緬邈蓬萊邱。太行
表西岳，發地來東州。隆隆大臺山，臨眺豁雙眸。盤竹轉
林薄，合沓隱芳洲。晝境明且遠，夕霏淒以柔。潛虛應無
礙，撫物興彌幽。逝卽薜蘿侶，永辭簪笏儔。高步隨歡悅，
息躬異淹留。白雲滿丹障，終然結綢繆。僕夫促歸騎，頓
攪離人愁。仰矚媿霄薄，俯臨慙海浮。攝生有至要，勞形
意多憂。百年無閒日，不如早行修。長揖涉靈巘，獨寐得
所求。

天津府志

卷之三十九

藝文詩

三

送張憲長歸慶雲二首

明 王元正

嗟君尚黑頭，廊廟可立致。胡挂獬豸冠，而斂珊瑚器。放
棹東海東，欲求丹砂餌。三島咫尺間，窟有十洲記。倘逢
浮邱翁，殷勤道予意。青精飯可餐，一簞遠煩寄。我絡白
髮短，笑笑客歲久。君持憲節來，煌煌射南斗。燕秦姓字
疎，傾蓋意則厚。倏焉駕驪駒，蕭蕭出灌口。頓覺雪山輕，
仍動知己恟。瀛海有故園，君子貴窮守。臨歧不盡衷，白
日倒樽醜。

國朝

春初過問津園

吳 雯

河流帶殘雪輕舟問前渡沙輒沒屣齒柴門向溪
路却登水上樓遙見海邊樹大野浩茫茫春鴻正
東去花隱彈碁局日照吹笙處舞巾超距遠爭席
藏駒誤歸途畫橋北避權起飛鷺回首糟邱臺蒼
蒼隔烟霧

朗吟樓

張 粲

仙人亦賦詩仙人亦飲酒詩酒卽仙人仙人何復
有三過朗吟樓獨立空搔首

桃花寺

查慎行

已過桃花口再問桃花寺獨客叩門來老僧方坐

天津府志

卷之三十九

藝文詩

四

睡欲知春淺深但看花開未

過慶國寺

萬光泰

去海無百里河流何滔滔午風旣云息晚潮亦已
高精藍濱水淡訪古恣搜撈山僧不解事斷石填
墻濠呼羣曳碑出春蚓迷秋臺聲牙交口讀泪漉
澄泉淘嗟嗟古遺籍幾輩埋蓬蒿唐宗昔雄武跨
海橫征艘寺係唐太宗征高麗回
息士處俗名挂甲寺青萊沸雷鼓平
壤鳴霜刀幸也得勝返虎旅辭伏張不然亡隋續
世事紛牛毛

國家耀文德箭箠弓亦橐不縣魚門甯試楚練袍寄

語太平民無棄耕桑勞

卯兮城

符曾

童子採藥來相將
凌扶桑徐福誕妄流
大言欺秦王至今卯兮城
秋草填斜陽

釣魚臺

符曾

昔時垂釣叟避居東海麋
就養盍歸來遂為王者
師始知周家業九鼎懸一絲

七古

答高三十五留別便呈于十一

唐李頎

累薦賢良皆不就家近陳留訪耆宿
韓康雖復在人間

天津府志

卷之三十九

藝文詩

五

王霸終思隱巖岫清冷池水灌園蔬
萬里滄江澹似瀟
妻子歡同數株柳雲山老對一床書
昨日公車見三事
明君賜衣遣為吏懷章不使郡邸驚
待詔初從闕庭至
散誕由來自不羈
低頭授職爾何為
故園壁掛烏紗帽
官舍塵生白接離
寄書寂寂於陵子
蓬蒿沒身故不仕
羹藜被褐環堵中
歲晚將貽故人耻

初就有道徵授封邱尉

唐高適

我本漁樵孟諸野
一生自是悠悠者
乍可狂歌草澤中
寧堪作吏風塵下
祇言小邑無所為
公門百事皆有時
拜迎官長心欲碎
鞭撻黎庶令人悲
悲來向家問妻子

笑吟如此生事應須南畝田此情付與東流水
夢想舊山安在哉為銜君命日遲迴乃知梅福徒為爾
轉憶陶潛歸去來

追酬故高蜀州人日見寄詩

唐杜甫

自蒙蜀州人日作不憶清詩久零落今晨散帙眼忽開
迸淚幽吟事如昨嗚呼壯士多慷慨合沓高名動寥廓
嘆我淒淒求友篇感時鬱鬱匡君譽錦里春光空爛熳
瑤池侍臣已冥寞瀟湘水國傍離離鄴杜秋天失鵬鸞
東西南北更堪論白首扁舟病獨存遙拱北辰躡寇盜
欲傾東海洗乾坤邊塞西蕃最充斥衣冠南渡多崩奔

天津府志

卷之三十九

藝文詩

六

鼓瑟至今悲帝子曳裾何處覓王門文章曹植波瀾濶
服食劉安德業尊長笛誰能亂愁思昭州詞翰與招魂

直沽客行

元黃鎮成

直沽客作客江南又江北自從兵甲滿中原道路艱難
乘不得今年却趁直沽船黑洋大海波連天順風半月
到閩海只與七州通賣買嗚呼江南江北不可通只有
海船來海中海中多風少賊徒未知明年來得無

直沽謠

元臧夢麟

雜遝東入海歸來幾人在紛紛道路覓亨衢笑我蓬門
絕冠蓋虎不食堂上肉狼不驚里中婦風塵出門不險

阻何況茫茫海如許去年吳人赴燕冀風吹人泪如
砥一時輸粟得宮歸殺馬椎牛宴閭里今年吳兒求高
遷復禱天妃上海船北風吹兒墜黑水始知溟渤皆墓
田勸君陸行莫忘萊州道水行莫忘沙門島豺狼當路
蛟龍爭寧論他人致身早君不見賈胡剖腹藏明珠後
來無人鑿覆車明年五月南風起猶有行人問直沽

長蘆聞鳥聲懷戚學士

明岑琬

我有故人在長蘆思之不見歲云徂昔從青瑣陪追趨
今日雲霄隔泥塗故人有學爲真儒故人令譽達天衢
願借餘力爲吹嘘斗水活我涸轍魚何以報之紅珊瑚

天津府志

卷之三十九

藝文詩

七

謹按此詩一本作我有友生在滄州思之不見心悠
悠木蘭爲楫沙棠舟南來鼓棹乘中流嚶嚶好鳥如
相求載飛載止鳴不休願以盟言結綢繆爲予一洗
萬斛愁何以報之青琳球落韻雖別意旨相同兼錄
之

楊柳青

明謝遷

直沽南頭楊柳青昔時楊柳今彫零霜風滿地散黃葉
河邊寂寞雙郵亭人道垂楊管離別北往南來競攀折
我來袖手憐枯枝躑躅臨河駐旌節五雲回首懷漢宮
丹楓轉眼經霜空李梅冬實豈佳味垂涎奔走嗤狂童
陽回萬物自生色斡旋造化慚無力百年心跡歲寒同
却憶南山舊松栢

天津歌

明 汪必東

壯燕遊兮癘楚人乘天風兮泊天津渺兮不可以極目
但見波光凌亂一望四際如搖銀左黃河之一線兮分
遠派於崑崙右帝橋之金水兮自兩山而路濱滄瀛溟
渤合沓澎湃日夕東注而不舍兮有若天河下土轂轉
而環循逆潮汐以漲岸兮高百尺之嶙峋商舶浮海兮
杳杳漁舟聚沽兮鱗鱗楚艘吳艦檣簇樹而帆排雲兮
仍仍而頻頻或瞻星於月夕或號風於雨晨或苞茅以
裹玉或彈冠而搢紳皆揚衡而含笑言振步於京塵仰
天樞於北辰兮陋星橋於西洛顧瀛州之在瞻兮邇蓬
萊於東閣遊吾魂兮汗漫采童謠兮村落恨野詞兮蕙
稗媿翰香兮蘭藥景星風而波立搜枯腸而吟噓安得
排峰涸海之筆視兮繼大雅而有作

青縣館在河干朔埜子宿焉泊舟賦天外帆一篇

明 尹 畊

天外帆何翩翩海鷗沙鷁同流連晴空弄影水花亂陰
晝搏風地軸旋蜀纜吳檣幾千里上瀨鳴灘自鄰比官
網橫被垂天雲私艇斜行貧市第官網私艇日來徃爲
問東風今幾兩得時真不羨鴻毛失勢終須賴櫓槳蘆
花小邑障江側作館臨江闕江色月華漸上簫鼓停帆

集西臯森列戟我來待月升其堂千旌宛在堂東牆侵
曉悠悠自來去畫圖何減懸瀟湘畫圖可羨亦可嘆世
事人情幾更換岸頭歷歷百丈夫終歲無衣月無粲已
牽軍器重如山更放冰鮮疾似彈廟堂盡是舟楫才誰
向江干念荒旱

國朝

天津府志

卷之三十九

藝文詩

九

朗吟樓

王公弼

仙人黃鶴舞婆娑飲吸長鯨醉踏歌乾坤何處著
雙眼乘風偶爾來滄波滄波江上看明月劍星夜
半寒光發飛劍長空落鴻影斷蛟刺兇戲溟渤爲
問靈砂果可傳願借仙人丹九還仙人得道寸心
裏點石恐誤三千年瓊臺紫府尋洞宅好此樓居
高百尺大笑不知宇宙寬伸臥高嫌天地窄黃公

壚畔酒如泉，朗吟樓下多。漁船烹鮮浮，白醉神仙
醉後詩狂欲上天，上天下地何所有。醉夢醒時仍
問酒，閒來樓上對仙跡。仙乎仙乎吾與友。

鐵獅歌

戴王綸

誰埴蓬渤金博山，乾坤心鞞陰陽煎。狡狴日走五
百里，鎔鐵一跽瀛州水。西海格狸東海鯨，千載臣
服濤浪清。金鋪綴日蜃樓市，魚沫秦橋鞭石處。茂
陵心事本豪雄，望仙城苑起秋風。青天蓋高黃地
厚玉壺擊碎伏驥瘦，滄溟禹穴探靈書。髀肉復生
重趑趄，誰效雲中騎。白驢鳴呼誰效雲中騎，白驢

天津府志

卷之三十九

藝文詩

十

驄馬行送任御史

明視離長蘆

朱彝尊

春明門東驄馬嘶，奚官新鑿碧玉啼。紫茸鞞鞞錦
障泥，使者衣繡行長隄。寒花露草烟萋萋，千樹萬
樹楊柳低津門。此去三百里來朝，定指西沽西長
蘆。鹽筴通青齊，君今乘驄按左海。章綬不殊還會
稽，我歌驄馬行。君騎驄馬去，明年策馬來春明。應
記今朝送行處。

津門苦雨行

魯之裕

女媧石古天痕漏，六月愁霖失昏晝。百川滙海襄
大陵，千里滔天沒封堠。天津市廛萬竈沉兼日，百

謀一薪爨

天子命下官祈晴秋朔金烏晃然觀哉生魄後復傾盆
屋倒牆欹徑苔繡羸瘵稚弱淪驚波妖鯨毒鱓衝
衢闕離使蒿目蒼黔魚繪圖直向

彤廷奏捐珠釀桂療饑鳩千百殍殪什一救江南遊子

對思瘳淚眼當天濕襟袖

題朗吟樓

華龍翔

大瀛海濶三山浮神仙之人居上頭呼龍駕犁聲
叱吒耕雲種秫秫不收有斗在天那可酌酒星燿
煜涎空流麻衣道士苦跌宕索酒千斛來瀛州長

天津府志

卷之三十九

藝文詩

十一

鯨快吸百川瀉醉死何須呼醉侯咄哉荷鍾更多
事混沌未鑿餘糟邱飄飄鶴背去兀兀一聲長嘯

海天秋

經麻姑城作

李之嘽

天蒼蒼水茫茫風軟沙平古道長孤邨遠樹蒼烟
外一片夕陽烘大荒行人盪臆露雙目翻訝萬里
歸尺幅路旁陵邱埋荆榛慙勤下馬訪樵牧嗒然
一叟來徐徐我其訊之爲植鋤今朝瓦礫昔城闕
莞爾而笑指廢墟傳言好道漢孝武元封之間屈
指數丹砂却老竈無靈金莖擎露天何補武皇求

仙意轉濃恍惚如悟形與容西駕曾探王母宅
更覓麻姑踪當年此地爲滄海古來幾度桑田
改蓬萊方丈並瀛州遙隔一水但烟靄築壇東望
坐可招徠徕依稀見垂髫珠簾月掛香雲裊書壁
風微繡旆飄麻姑遺事君知否願君少憇爲君剖
鷄鳴一去果登仙鶴返千年誰記壽世人艷說王
方平尸解蟬蛻舊有名忽招少女顏如玉更來吳
下駐行旌蔡經自是閩苑客欣掃蓬華挹光澤驚
迎鳳輦肅儀形旋窺鳥爪負鞭策至今猶憶玳筵
開鏤金之盤紫霞盃龍綃鴛綺眩銀海鳳髓麟脯

瀉玉醅別來一笑五百年轉眼滄桑幾變遷近見
蓬萊水復淺會看溟海又爲田一從異跡達天關
祀等嶽瀆嚴對越詎知可望不可卽幻影終同水
底月前有曼倩復千秋婉諷直諫忠愛眉蓬萊宮
裏候仙人一朝星散蝦與鯁君不見封禪制金聲
玉振縹緗麗遺書司馬咍千年考瑞倪寬嘲萬世
又不見嵩高山太室巍巍雲漢間但見三呼史有
諛浪傳萬歲神何慳試看麻姑城頭草幾度榮枯
天地老况君與我等蜉蝣何勞弔古傷懷抱君且
行矣我且歸笑指東林月又輝

觀滄海日出歌

序

李之擘

丙午七月既望海濱信宿岐口村夜午而起登
蛤蠣灘時辰星方出少頃如燈來波上縱橫上
下光炯炯不能定既高丈餘乃啓明星星出而
月亦上是日當晦其光與望同倒影水面如萬
頃琉璃令人心髓交徹月方升而海天忽暝黑
雲密布水鳥之聲怪不可狀爾時同遊者同年
徐階五編修張協平表弟皆嘆人生不能再歷
之境忽而紅映半天片翳全消其初出日光
燦如始然之火隨波高下未及定晴而巨輪已

天津府志

卷之三十九

藝文詩

十三

高數丈矣俗言有蓮花座捧出者乃回光映波
縈迴而成閱之真奇觀也後至者爲張東厓侍
御家蒼咫兒

曾陟虞山之峯維摩寺中有楚僧好談異咫尺蓬
山一島孤幻影驚看曉日出又聞岱宗絕頂之東
巘扶桑夜午已堪辨撼波一抹海天孤倏爾明霞
奇難篆年來屏居滄海曲竹雨松風隨斷續披露
坐玩玉繩明烘牖臥酣羲輪旭懶軀無匹亦無醫
食貧有道差可辱喜隨驄馬侍御踪更追花磚學
士躅地平競頌海無波天成欣覩蜀調玉九歌分

壞六府修臣力當竭臣心篤荒度經年溟海濱衝
泥揭水隨鴻鵠一朝信宿海上村海風吹我爽如
浴南瞰卅兮城徐福一去燐火走青北望麻姑臺
方平何處雪浪成堆吁嗟乎秦始皇漢武帝英雄
天子氣蓋世經國不知稼穡艱海上求仙究何濟
我

皇御世陟禹迹殫力溝洫諮碩畫夢卜良弼度有人多
士雲蒸爭奮翮霑塗不識微躬勞探奇子夜來沙
磧蛤蠣灘潔如雪風潮音迅若決遠星歷歷互明
滅此時漢影正西垂此時蛟舞鼉猶咽漚鳥互驚

天津府志

卷之三十九

藝文詩

十四

飛且鳴東來一炬紅勝血橫如大火流莫追升如
立電光轟掣蒼龍閃目鰲燦晴象緯笑指啓明徹
須臾巨浪如擁銀又疑玉塔影倒結琉璃世界水
晶宮月晦見月真奇絕天光欲曙海氣寒黑雲匝
布如屏列微茫漸覺星光踈絳霧頓開綺霞撒萬
頃金波擁金輪燎原共驚光焰烈轉瞬一躍尺五
天蓮花猶燦暘谷穴誰遣巨靈擘乾坤陰陽互根
萬象陳堯舜當宇化理醇耕鑿千村作復息梯航
萬里尊且親無分南北東西四海秀頑老稚貴與
賤同是葵傾就日人

登朗吟樓

樊世翼

剛巒體勢聳河滸三輔探勝此樓古烘之以日扇
以風會駐雲輶留仙語慨想終南學道年白石青
松冷伴眠絳闕關通上下氤氳呼吸注丹田劍
光如水復如雪羽衣縹緲隨明滅吟殘皓月和清
風數聲清籟九霄徹乍似龍吟出深潭還如鳳叫
破烟嵐劉琨孫登今總在塞上蘇門詎可參帆影
悠悠流夕照驚鷗駭鷺隨飛棹滄波不盡滾滾來
猶似聲聲學長嘯羸得人間一日閒藤杖芒屨任
往還獨對遺蹤思古調宮商長繞畫梁間

天津府志

卷之三十九

藝文詩

五

義羸行

吳廷華

高沙嶺頭霧四塞北風森森殘月黑野店有杏椹
重貲跨羸出門未辨色長鞭策羸羸不行羸有戒
心難自明荒鷄聲裡強就道暗中忽有金鐵聲客
素能兵力稱最不料危機伏意外抽刀擊賊身忽
顛賊鋒已中客要害囊貲席捲剩客屍客屍臥血
紛淋漓陰房鬼火慘林木舊鬼歡迎新鬼哭新鬼
哭人不聞義羸怨氣欲遏雲衛主愧乏侍中血口
不能語心如焚報讐須向賊巢去恐爲賊拘不敢
遽道旁四顧重躊躇忽記昨霄曾宿處回頭走撞

宿處門主人驚起燈燭昏開門認得前客驢胡乃
背主獨反奔懷疑姑令暫入廐廐下尙存昨棧豆
羸方滴淚堅不食怒嘶不翅獅子吼朝來吼聲驚
四隣對羸無策相咨詢就中鄉老號有識知羸當
有冤欲伸謂羸此豆爾且啜爾冤我當爲爾雪轉
呼同伴走前途途遇客屍認模糊先是客家夢客
報尋踪至此逢鄉老入邑急啓大令知大令已若
神告之懸賞大索不旬日爲客獲盜歸其貲家人
語羸羸得意飽食欲隨客入地一時圍皂控勒嚴
雙睛尙洒臨風淚嗚呼噫嘻此義羸與人一心久

不磨昔聞蘆臺有義犬與羸母乃稱同科老夫執
筆重大義敢擬玉臺龍友之雅歌

志局爲學使者校士地其西積水成窪廣可一里
許長隄中亘通以平橋與同人遊而樂之分賦
得十一隊二十四韻

吳廷華

海津城隅闢草萊呀窪乃作衆水滙規圓明鏡豁
然開溶溶眼波泛青睞平隄中亘綵虹長小橋低
架靈鼉背城中如此水凡五皆濁獨清絕點穢行
人曾借龍門鑿一時竟偃鷄鳴埭此地雲漢最末
流天一精氣滋大塊七十二沾水潛盤九十九淀

流汪濊更從新邑濬文瀾校士塲開潤筆采我來
剛值使節移劇知講肆非馬隊昨朝入局出輿圖
海志水經搜紀載行篋無多腹笥虛硯田藉此以
沾漑閒來擲筆涉成趣臨崖小立呼儕輩一泓靜
影天宇涵四面微風藻紋碎有時疊浪作屑霏如
瀉龍池珠百琲有時輕靄隔岸橫女床方丈依稀
在朝暉夕陰晴雨宜里許清波千萬態吾儂家住
金牛湖水染青螺山點黛更憶清河功甫家白洋
池水淵泉湧池在艮山城西較此疇分輕與軒敢
張功甫故園也謂潢汙不足採况看風水簇成文掩映騷壇雲霧

天津府志

卷之三十九

藝文詩

七

霽淵映堂邊遡風雅洗墨池頭効采績獨惜幽清
地最偏賞奇不足邀襪襪作詩聊以志勝區嗚咽
水聲若長慨

三月三日儉堂招同人遊稽古寺登藏經閣晚過
水西莊飲丁香花下
萬光泰

採蘭拾翠芳洲暄江南此日嬉遊繁天津塵高沒
馬首亦有韶光在楊柳東家西家爭早出細綺輕
紈嬌婷質未能免俗聊復然不使山花笑遲日稽
古寺前春鳥鳴駮駮丹閣高傾城貝多葉細如山
疊寶積阿含紛四楹頭陀晏坐同饑鶴清磬數聲

花雨落多少魚須玉珮聲清幽不到檐間鐸回首
西園咫尺餘丁香幾樹尤芬腴蘭亭少長咸來集
何似風涼出舞雩京華昨歲聽春雨撥火添香喧
夜語座客俱能唱越吟少年尤數袁臨汝雙輪輾
轉還一年置身猶在瀛海邊江南路長歸不得酒
闌數視珊瑚鞭舍前綠水明浮蟻蓮葉舟輕蕩洲
尾荻笋穿泥荇芽紫明歲春歸吾歸矣

賑恤行

博爾和

乾隆二年夏之半時雨稍違

聖憂旱捐租

天津府志

卷之三十九

藝文詩

六

鳳詔頻下頒復籌賑恤勤宵旰欲溥甘霖潤枯槁敬宿
齋宮誠致禱宮懸雅奏撤咸英大官

御膳辭珍好七省軍儲飛轉舳截散

天庾百萬斛喜氣歡聲宇宙盈大地生民全比屋入
秋汛水溢河流更

臣奉

命出京師監理漕儲適覩之不知普遍承
恩者此生何以報無私

舊瀛州鐵獅子歌

查學禮

吾聞條支之國生逸材毛黃如金尾如斗含威蓄
怒呈大聲四谷錚鉞萬雷吼飛熊帖伏學醯雞猛
虎倉皇類芻狗平原曠野不代生絕域靈區問時
有量能誠合百獸尊卓越凡庸冠羣醜木門城邊
秋日皎瑟瑟西風動枯柳忽逢巨物扼當塗形體
龐然儼岡阜高標直欲摩蒼雲側臥猶堪橫數畝
晶熒隅目撐空睚豁達寬願哆方口路人羣說是
獅王浴鐵爲身駭飛走遠思當年鑄初始鼓鞴泥
爐事紛揉鍊精幾費昆吾金搏質還須巨靈手一
從荒烟委寂寞苔蘚潛滋積塵垢吁嗟制作誠神

奇磅礴陰陽事非偶少陵昔詠石犀行莊語詆謨
蜀太守要將正道承先王不使奇表惑童叟我今
懷古異拾遺但有摩挲無罣詎人生嗜好鮮定方
採掇瑤琨及瓦缶虞夏尊彝犧象形周秦章璽龜
龍紐况此尤逾尋常曹如向羣駭立黃耆風霜剝
蝕頻堅凝雨露漸濡未衰朽雖無衽袖能攜持敢
使錐錘亂擊掎行車輾轉轢平沙百里蒼茫屢回
首歌成誰和慨慷詞且向麻姑索醇酒

滄酒歌

傅華冕

酒經列品逾千種我未遍醕徒冥搜邇來酒國第

甲乙南數越州北滄州譬之稽詞阮旨各有致二
者妙理當於象外求直沽地接清風樓鯉魚灣水
綠似油紅砂大甕家家筍昨朝雙鴟遠自五壘城
邊寄恰值雪花門外吹漣漣手如癩疥毛蝟縮霜
稜勁折銀貂裘故人興發恣拍浮開尊盎盎春意
柔不速之客周南張北中央劉爲言漉藏剛一紀
二十三務無此清而瀏趙珣熙寧酒課滄州二十三務杯傳到手
不復留泥飲爭效巢鶴囚醉鄉自昔矜上頓翹部
便可營糟邱人生何必萬戶侯釀玉亦足傳千秋
坐聞楮樹鳴寧颺羲和叱馭無停輶仰屋著書非

天津府志

卷之三十九 藝文

三

良謀何當移傍甌河古驛住日夕茗芋臥看青天

鷗

任氏四節詩

靜海任典妻李氏子寬妻袁氏任俊妻高氏子懿妻杜氏

王龜

雙燕差池喪其匹空巢各哺遺雛一寒月荒荒哀

且鳴西風吹冷螢如漆一朝遺雛接翅飛雌雄覓

隊入烏衣歸來並傍空巢宿從此銜泥補舊扉何

意雙雛掠高樹紅襟又墮階前羽舊燕巢棲新燕

孤啾啾作對啼成雨嗚呼燕兮爾莫悲翼摧翅蹋

非人爲君不見韓陵臺畔歌黃鵠至今千秋萬世

欽高躅

五律

送臨津房少府

唐楊炯

歧路三秋別江津萬里長烟霞駐征蓋絃管促飛觴階
樹含斜日池風泛早涼贈言未終竟流涕急霑裳

秋夜讌臨津鄭明府宅二首

唐杜審言

行止皆無地招尋獨有君酒中堪累月身外即浮雲霜
白宵鐘徹風清曉漏聞坐携餘興往還似未離羣
異鄉寥落處杯酒喜逢君共對秋宵月誰吟日暮雲竹
深雲影度川靜雁聲聞且盡尊前樂明朝又索羣

天津府志

卷之三十九

藝文詩

三

晚泊無棣構

唐劉長卿

無棣何年邑長城作楚關河通星宿海雲近馬容山僧
寺白雲外人家綠渚間晚來潮正滿處處落帆還

送族姪式顏

唐高適

惜君才未遇愛君才若此世上五百年吾家一千里俱
遊帝城下忽在梁園裏我今行山東離憂不能已

奉簡高三十五使君

唐杜甫

當代論才子如公有幾人驂騑開道路鷹隼出風塵行
色秋將晚交情老更親天涯喜相見披豁對吾真

酬高使君相贈

杜甫

古寺僧牢落空房客寓居故人供祿米隣舍與園蔬
樹容聽法三車肯載書草 吾豈敢賦或似相如

贈高式顏

杜甫

昔別是何處相逢皆老夫故人還寂寞削迹共艱虞
台失論文友空知賣酒壚平生飛動意見爾不能無

簡高使君適

杜甫

楚隔乾坤遠難招病客魂詩名惟我共世事與誰論
北闕更新主南星落故園定知相見日爛熳倒芳樽

寄高三十五書記

杜甫

歎惜高君老新詩口又多美名人不及佳句法如何
主

天津府志

卷之三十九

藝文詩

三

將收才子崆峒足凱歌聞君已朱紱且得慰蹉跎

寄高三十五詹事

杜甫

安穩高詹事兵戈久索居時來知宦達歲晚更情踈
天上多鴻雁池中足鯉魚相看過半百不寄一行書

送呂郎中赴滄州

唐僧無可

出守滄州去西風送旆旌路遙經幾郡地盡到孤城
拜廟千山綠登樓遍海清何人共東望日向積濤生

有懷無棣李端伯三首

宋王從之

初歲求真契中年得偉人傾懷當一面投分許終身
燈火談深夜鶯花逐勝春何時重一笑胸次欲生塵

面目三年隔音傳萬里遙宦途俱蹭蹬人事各蕭條志
大謀常拙身孤道亦消本無當世用隱處會相招
雋氣傾天下高情到古今啣盃曼卿放下筆老坡神時
論誰優劣人材自屈伸窮愁須理遣不必淚沾巾

峭帆亭

金張斛

高秋客未還何處望鄉關喬宇疎烟外孤亭落照間雨
晴山覺近湖滿水如閒腸斷峒陽路雲歸不可攀

直沽口

元袁桷

二水赴滄海客行殊未休長隄連古戍歸棹起輕鷗雨
重雲光濕天低樹色浮京塵今已洗從此問菟裘

天津府志

卷之三十九

藝文詩

三

題清風樓

元薩都刺

晉代繁華地如今有此樓暮雲連海岱明月滿滄州歸
鳥經林過飛星拂瓦流城南秋欲盡寂寞採蓮舟

直沽口

元傅若金

遠漕通諸島深流會兩河鳥依沙樹少魚傍海潮多轉
粟春秋入行舟日夜過兵民雜居久一半解吳歌

代祀天妃廟次直沽作

元張翥

曉日三叉口連檣集萬艘普天均雨露大海靜波濤人
廟靈風肅焚香瑞氣高使臣三奠畢喜色滿宮袍

直沽

明張以寧

野樂天低水人家時兩三雁聲連漠北魚味勝
擁蘆芽短寒禁柳眼緘持竿吾欲往拙宦爾何堪

過靜海

明曾 棨

朝來過靜海歸路有三千吟几添新句行囊只舊氈水
禽飛傍客河柳遠迎船注日淮南道龍峯隔楚烟
宿靜海僧寺同侯主事

曾 棨

皇華千里客何意此相逢水郭春光早郵亭柳色濃偶
因牛渚棹來聽虎溪鐘明發孤舟別相思隔幾重

過直沽

曾 棨

近海巖烽戍孤城雉堞雄海流千派合舟楫萬方通島

天津府志

卷之三十九

藝文詩

三

嶼鯨波外樓臺蜃氣中春來疑是錦烟綠曉霞紅

直沽舟中

明薛 暉

潮來兩岸平風順一帆輕海濶浮雲白天低野樹青久
叨持斧客非是棄繻生岱嶽行看近秋高試一登

過靜海

明瞿 佑

古縣臨河口遺民住岸傍荒田多廢棄破室半逃亡薄
薄沽來酒低低坐處床舟人知往事相對話偏長

過獨流淺

明倪 敬

獨流清曉發高下亂帆檣潮入雙塘淺風高孤樹忙荒
祠烟火斷遠戍角聲長男女勤生計蘆簾緝野塘

舟次直沽與寶慶謝太守

明李東陽

二水斜通海孤村合抱城夜窻明月過春浦暗潮生憂
國身將遠還家夢不驚留觀有親舊羈旅見真情

送張監察淮中州事竣還朝

明李夢陽

北極星辰入山河斧鉞歸鳥爭車鷺集雨逆葢雲飛御
柳元搖珮臺花且襲衣聖心虛納采忍使諫章稀

渡口

明王世貞

征途人自怯不敢授春衣山雨將寒驟人烟過午稀時
時瘦馬立往往峭帆飛行役母勞恨於今是帝畿

釣魚臺

明馮琦

天津府志

卷之三十九

藝文詩

三

是處堪垂釣誰家長閉關榭多偏近水雲薄更宜山鳥
語扶蘇裏人踪杳靄閒日斜仍策馬太息野鷗閒

觀海

明李萼

問俗涉滄溟沙頭坐草亭吏人鷗鳥雜網罟浪花腥鱸
味盤中集潮聲枕上聽天風吹短髻壯志倚青萍

春日登鹽山城憶弟

明張維新

無棣荒陬畔春風眺望時山桃迎我笑池草動人思雲
暖鶯啼切天遙雁度遲迢迢年又隔不見惠連詩

登靜海城樓

張維新

飛樓一縱目海國氣雄哉日上三山出天空五壘開樹

平隨野濶帆正入窻來咫尺津門近登臨第幾回

過大台山村

明李騰鵬

我愛山村好民風太古前屋隨崖上下路逐澗灣環灌
圃引泉水鋤禾墾石田催租無暴吏門掩日高眠

過戴明府漱江亭四首

明潘榛

遲日園林媚孤亭傍水斜綠苔明曲逕淡柳暗平沙隨
意窻前草無名澗底花主人機息久服食效丹砂

何地堪消暑閒亭盡日涼錦帆看十里苑柳坐千章風
動茶蘼架雨侵薜荔牆漁歌饒晚唱濯足下滄浪

溟漲滹沱水孤亭勢欲傾萬夫防蟻穴百雉沒山城牛

天津府志

卷之三十九

藝文詩

三

馬渾無辨舟船不敢行波濤烟霧裏疑是近蓬瀛

北風動地起寒色晚亭分渡淺冰初台雪深人不聞月
緣霜皎潔潮與霧氤氳應有山陰客停橈此問君

過陳叔暘際槎軒二首

明潘榛

小巷通城遠柴門逐水開魚歌隨棹遠帆影過墻來柳
密初侵院庭幽半欲苔主人休沐至於此滌塵埃

舸艦寧千萬紛紛此地過飛蓬各自急逐利定誰何水
漲蛟龍怒風驚波浪多不如茅屋下終日醉顏酡

再入中山偕友人飲

明李乾淑

不向山椒久翻疑主也賓遙溪水咽石隔岸鳥窺人樵

徑行將隱漁歌唱欲新習池醉未已倒著白綸巾

晚泊長蘆

明 趙完壁

晚泊長蘆月涼生瀛海風雲川淒暮笛岸葦泣寒蛩酒
盡空明裏詩成歛乃中天涯浮桂棹星眸老槎翁

滄州送李北海入都

明 劉子延

獨駕風塵遠翩翩訪舊過孤琴携携李長劍撫行窩磊
落文園草清新郢里歌鳳城春有待君去任懸河

滄州雪霽步韻

明 張道湜

帝里埋輪後畿京攬轡年烟氛銷海戍霜雪淨雲天寒
映水壺色風臨玉樹前不知驄馬駿鶴駕迥疑仙

天津府志

卷之三十九

藝文詩

三

朗吟樓

明 趙光宇

地非巴郡地樓亦岳陽樓牖敞含雲水檐虛宿斗牛客
爭一眺望仙定數遨遊願識真人貌尊中道可求

國朝

遊慶城寄青園

趙澄

起坐頻移席歌清興轉新松聲飄水檻桐影度花
茵詞賦人空老江山我輩真露華涼午夜潦倒為
情親

遊陳氏寄青園

李真祖

自愛幽棲好來尋高士園亭依城作障荻傍水為

樊怪石蹲疑虎蒼槐掛錯蜿漫言村市近靜致觸
靈根

寄青園

王師孔

選勝何須遠憑城景自嘉非山常見石是水不成
窪古岸眠殘柳荒亭傍野花偶來舒倦眼坐對夕
陽斜

雲中客舍曹武備自津門以筐蟹銀魚見寄賦謝

二首

朱葵尊

千里三沽使傾筐異味傳霜螯初入手臘月更須
憐重馬愁官吏香稻憶野田江鄉好風物罷酒數

天池府志

卷之三十九

藝文詩

三

歸年

水族殊鄉至明燈夜不孤雪花寒意減玉盃近看
無反厭流匙滑宜將剩酒沽遙憐垂釣客白首向
江湖

高博士

恒懋

席上留贈公子

緝睿

二首

朱葵尊

列席先投轄升堂喜盞簪飄零忘薊北風物盡江
南滄酒瓷罌滿張梨白露丹留連如意舞更與阿
戎談

西陸清秋候東山舊宅開壺觴兼日夕文詠許遊

陪且爲看花起還愁上馬回春風倚歸擢賭鑿定
重來

青縣同高大佑鈿雨泊

朱彝尊

黃河秋潦急羣盜正紛紛去遠驚秋半愁多語夜
分空城寒更雨哀角斷還聞正值南飛雁嗷嗷度
海雲

張魯菴水部招飲一畝居羣賢畢集斐然有作四
首 邵長蘅

我病索居久招尋有數君名流煩折柬水部况能
文散帙烏皮几臨池白練裙淹留歡竟日屋角露

天津府志

卷之三十九 藝文詩

元

餘曛

坐愛林泉勝爲園一畝餘磴危仍綴菊澗仄亦游
魚老樹侵霜禿寒藤挂石踈到來幽興極誰更憶
吾廬

此會帝京少故人蒼鬢多醉醒渾感慨出處各蹉
跎味憶江鱸柱孟行鸚鵡螺酒酣誰斫地吾亦欲
悲歌

華燈高樹亂石氣晚來青正喜看人飲誰言愛獨

醒 時肺病止酒 統統急街鼓耿耿下寒星明日還來過

新詩許更聽

舟過海沽

金平

晨雨初晴後孤舟解纜時潮平秋自漾帆轉意俱
遲畦黍青分畝邨林綠滿涯升沉方在眼何必數
歸期

遊問津園

沈一揆

壁間留健筆花外有茅齋細草迎長策平沙襯軟
鞵樹根疑臥石竹影漸移階此際堪催飲餅壘瀉
似淮

問渡尋幽徑風來處處香春雲浮廣陌高閣出危
牆細馬嘶花下村農候道傍到門無別樹一帶盡

夫津府志

卷之三十九

藝文詩

三

垂楊

短榻堪停足泉香熟茗芽空庭喧鳥雀古木鬪龍
蛇午夜團團月春風次第花神仙如有訣卽此可
餐霞

鳥啼羣客散新月已如鉤曲折辭芳徑欹斜上紫
騮殘燈明水畔孤柝響城頭更待茶蘼放重過續
勝遊

滄州懷古

余縉

河朔推名郡先滋渤海封堅城摧巨寇勁旅盪軍
鋒佩犢今無患遺獅尚有踪單車秋淖裏寧不憶

黃龔

舟次天津

曹鑑平

春月辭家出津門
八夏過從知燕市
近還見海雲
多萬堞臨高阜
千帆蕩濁河
幾回哀雁度
鄉思更如何

坐攬翠軒與天行述舊

陳元龍

乘興三津路
秋帆下白波
高風循蕙晦
令德表松柯
韋杜名家著
羊求舊侶多
莫嫌俱白髮
把酒共長歌

憶昔干戈日
君家祖德長
閨房明大節
冰雪凜清

天津府志

卷之三十九

藝文詩

三

光七烈聲名遠

崇禎甲申國變君伯祖母周氏祖母張氏姑母二姑三姑四姑祖母某氏同

母黃夫人黃女四姑庶祖母廉氏廉之母某氏同日自縊以殉絕而復蘇者廉氏及四姑前輩陳檢誦維崧姜編修宸英等為賦七烈詩文甚夥
千秋鼎俎香承平懷世澤

回首感蒼茫

寓海潮菴十首

顧琮

古寺空廊靜涼秋
悵瑟居奚奴
鋤徑草野客
餽園蔬
尋水朝看稻
下帷夜讀書
由來四方志
隨處即吾廬

憶昔樓邊宿長吟
獨臥遲庭寒風入
戶窓白月臨池
去住雲還在行藏
海豈知舊遊今
更好野寺一

題詩

招提秋更靜吟臥洗孤清萬事意何愜三更潮白
生梁空巢燕去砌冷草蟲鳴展轉未曾寐牕隅斜
月明

四野鷄聲歇海天朝日升晴光開宿霧殘卷罷晨
燈驅路悲駑馬觀空咲老僧敢言清白吏還似玉
壺冰

鳴蟬托高樹啜露曳清音何事聽偏遠悠然感欲
深秋花開有意明鏡照無心薄劣慚名達公餘更
惜陰

天津府志

卷之三十九

藝文詩

三

牕暗庭前暝林疎透夕陽披襟憐客路淪茗戀僧
房空色塵猶染筆花夢亦香不知風啟幙落葉滿
秋床

薄衾眠未穩殘夢伴孤鴻枕上秋聲冷牕隅曙色
紅看人非白眼入室是清風寂寞攤書坐幽懷誰
與同

地僻人來少清秋客自吟將軍同逸興車馬到荒
林厨冷茶烟細堦空木葉深城隅三兩戶薄暮動
疎砧

隣寺鍾聲盡牕虛月色寒掩書聞雁過摘菊拂霜

看吟咏三更苦推敲一字難僧房聊可寓未慮客
衣單

窮通安足問抱道意何深閒賞鳶魚趣靜參天地
心戶庭無俗事林壑有清音徒倚緇廬晚涼風吹
我襟

白廟

查慎行

一院槎枒樹居僧守鵲巢俗貧稀賽社瓦缺只編
茅暗處蟲絲接塵邊鼠迹交漁人來寄網時有一
船梢

登玉皇閣

魯之裕

天津府志

卷之三十

藝文

三

直在雲霄上蓬瀛望可通萬帆風灑午一鏡水涵
空刺耳談珠桂酸心繪雁鴻白頭當

聖世愧作嘯嚚翁

過西沽戍臺

胡忠楨

客路蒼茫外殘陽隱堞樓崇基接大野孤影鎮長
流海氣蛟龍靖人烟草樹稠太平無戍角牧笛入
清秋

冒雪遊海光寺

余懋樞

同雲籠四楚出郭度荒塍獵馬遙衝雪潛魚冷鑿
冰烟深不見寺橋盡恰逢僧我欲窺瀛海危樓且

獨登

宿甘露寺

周焯

溪寒天欲雪向夕叩僧關磬響一時息余心適與
閒空香來枕上清夢落松間愛此應長住無勞更
買山

冬至後一日過掛甲寺訪子愍愍堂兩上人

周焯

幽居忘物候偶爾叩禪扉坐見庭槐落方知秋意
非一鐫雲外煮雙麈月中揮縱有枯榮思潛消何
處歸

天津府志

卷之三十九

藝文詩

十五

桃花口

金尚炳

來宿桃花口還尋楊柳青何曾比人面渾未折長
亭芳美園空寂支離夢杳冥一般名實舛無事混

圖經

西沽

施士鑑

停瀖郡西畔澥渤水東隅橫帶五千淀遙隣七十
沽上游收潦滄南泊瀉葫蘆合作朝宗勢平成溯
禹謨

堤頭晚歸

姜森

一棹橫秋水蒼茫渡晚烟雲陰融岸樹燈火靜漁

船路怯新橋窄村憐野潦穿歸蹤徒踽踽躑躅
流前

別準提寺

黃祐

一塵不到處強半屬僧寮睠此身長憩別來首屢
翹世緣甘自淺清興迥難消何日攜鷗侶重尋過
野橋

重遊香林苑憶野雀煉師

王本

天涯曾曳履此地感重遊老鶴歸何日青牛度幾
秋迴廊風雨暗曲逕水雲收坐冷平臺石相看已
曰頭

天津府志

卷之三十九

藝文詩

五

過慶國寺訪子愍上人

胡睿烈

乘興來初地風高海色殷斜陽一磬度古道兩松
閒鶴子時依佛鮫人夜叩關支郎緣法妙相對說
無還

過宜亭舊址二首

胡睿烈

清絕城西路繁華幾日春管絃空語燕屏障但凝
塵無復傳觴地猶多看竹人風流不可問溪水碧
粼粼

亂石支行徑蒼烟散客襟蕭條懷古意迢遞濟時
心剩草遺荒壘飛花戀舊林由來興廢地自昔感

登臨

登靜海城樓

王 鼎

縹緲飛樓壯登臨
放浪餘懷滯滄海
日晴抹碧天
霞九派河流遠
諸邨樹影斜
白雲遙望合
迢遞憶吾家

晚泊流河驛

查學禮

一葉棲何處
黃昏泊淺灘
漁燈穿樹細
秋月漾波寒
夢遶關河迥
心隨驛路寬
權歌中夜起
離思渺無端

靜海道中

查學禮

天津府志

卷之三十九

藝文詩

三

策蹇平沙道
春風共往還
一叢花似錦
數曲柳如環
邨酒家家熟
柴扉日日閒
笑余行役者
何事負溪山

七律

秋夜有懷高三十五適兼呈空上人

唐

劉長卿

晚節逢君趣味深
結茆栽樹近東林
吾師幾度曾摩頂
高士何年遂發心
北渚三更聞過雁
西城萬里動寒砧
不見支公與元度
相思擁膝坐長吟

贈賈黃中神童及第

宋

李 昉

七歲神童古所難賈家門戶有衣冠
七人科第排頭上五部經書誦舌端
見榜不知名字貴登筵未識管
從今穩上青雲去萬里誰能識羽翰

題賈魏公遺像一首

宋 王安石

功名烜赫在三朝經術從容輔漢條
儒服早紆丞相綬戎冠再插侍中貂
開倉六塔流民復出甲甘陵叛黨銷
甲第只今空畫像當年於此識丰標

真味堂

宋 李之純

開渠真味若爲言不着鹽梅也自全
龜鼎大夫徒染指麴車公子漫流涎
胸中已有三千卷檄外更聽三兩

天津府志

卷之三十九

藝文詩

三

此老清饒何所嗜宦途嚼蠟已多年

按慶雲縣志謂真味堂卽李氏故宅

無棣道中

元 吳萊

荒亭沽酒壯心違日極東南霧雨微
百里齊封滄海接千年禹跡濁河非
暗塵掉馬呈金轡衰草看羊着錦衣
猶記上元鳴鼓夜滿船燈火越歌歸

舟過長蘆

明 陶安

列肆亭臺土已崩舊時和氣冷如水
城池人物分今昔市井繁華間廢興
斷岸野花迎客棹壞橋津柳曠漁簪
誰知兵後商人少歲課猶隨國用增

直沽舟中

明宋訥

旅思搖搖嗜畫眠舟人報是直沽前夕陽野飯烹魚釜
秋水蒲帆賣蟹船詩有白鷗沙上興書無青鳥海東傳
老為聲利閑驅遣少讀南華四五篇

舟次直沽簡彭彥實

明邱濬

潞河澄澈衛河渾二水交流下海門直北回看龍闕迥
極東搖望蜃樓昏孤城近水舟多泊列戍分耕野盡屯
我有好懷無處寫欲沽樽酒對君論

送杭憲副備兵天津

明何景明

天津橋北望京樓金鼓東行節使舟日月晝懸滄海樹

天津府志

卷之三十九

藝文詩

三

龍蛇春壓九河流百年貢篚通南極萬里旌旄屬上游
莫笑談兵樽俎上書生原不為封侯

拱北遙岑

明李東陽

百尺高樓拱帝庭北山秋望入空冥太行西帶城烟碧
碣石東連海樹青吟客放懷朝拄笏使遊翹首夜占星
監司正屬埋輪地一夜朝天夢幾醒

鎮東晴旭

李東陽

五夜城頭聽早鷄海東紅日上雲梯飛鳥曉點珠簾影
舞燕晴翻畫棟泥千里帆檣天遠近萬家邨市崖高低
客來不用愁風雨無限風光入品題

安西烟樹

李東陽

安西門外碧參差綠樹層烟曉更宜縹緲不知天盡處
霏微疑是雨來時林間暝色聞聲杳野外寒光見日遲
睡起鈎簾看午霽一川花鳥正離離

定南禾風

李東陽

層軒南向坐薰風極目平疇遠近同萬里黃雲吹不斷
一天翠浪卷還空阜財正藉驅煩力飽士新成偃武功
殿閣微涼天上句擬將餘興續坡翁

吳粳萬艘

李東陽

盛朝供奉出三吳白粲千鍾轉舳艫欵乃歌連明月夜

天津府志

卷之三十九

藝文詩

三

參差帆指紫雲衢萬年壯麗留畿甸千里清香上御厨
聖主憂勤先稼穡子來應未有稽逋

天驥連營

李東陽

龍媒昔在渥洼川寄牧三沽近九天日瑩月精懸夾鏡
毛分雲錦動連錢千金骨市燕昭日九逸歌成漢武年
好把車攻獻真主周宣不廢四時畋

百沽平潮

李東陽

海門晴雪浸金鰲百道沽來湧暗濤望極遠空知岸濶
臥歌殘夢覺船高遙疑夢澤相吞吐不似胥江狂怒號
時有海舟隨下上往來沙口不辭勞

海門夜月

李東陽

海門東望極空明月裏山河影乍晴萬里滄波天一色
數聲靈籟夜三更水晶宮浸魚龍冷白玉城高鶴鶴輕
不用扁舟泛寥廓已看奇絕盡平生

過天津

李東陽

玉帛都來萬國朝梯航南去接天遙千家市遠晨分集
兩岸河平夜退潮貢賦舊通滄海運星辰還象洛陽橋
何繇四塞喉襟地重鎮還須藉使軺

浣浴亭

明汪必東

十畝清地一墁臺病夫親與剪蒿萊泉通海汲應難涸
天津府志

卷之三十九

藝文詩

旱

樹帶花移亦旋開小借江南留客坐遠疑林下伴人來
方亭曲檻雖無補也稱繁曹浣浴埃

送友之天津

明李三才

送子維舟潞水濱沙光柳色弄晴春向來朋輩驚誰在
此去琴尊祇獨親何事牙籌煩傲吏却教黃鳥怨騷人
殷勤斗酒休辭醉不爲陽關淚滿巾

登拱北樓

明申用懋

樓閣居然表翠微開樽春色淨烟霏峰排萬堞窓中吐
浪蹴千帆樹杪飛不盡天風吹墮幘何來雲氣上征衣
瞻天莫謂長安遠直北關河是帝畿

登長城嶺望頰河灘

明揚州鶴

一上荒城眼界賒寒雲衰草浩無涯河邊水落羣灘小
天外風高一雁斜紅減野棠驚落葉白浸水菅正飛花
清時却喜無他事日向烟波理釣槎

地藏寺

揚州鶴

坐久空門興倍清沉沉法鼓兩三聲老槐綴子翻新雨
蕎麥開花邇晚晴邂逅偶聆塵外語依稀不似世間情
從今我欲閒來往惠遠無勞更送迎

過無棣古城

揚州鶴

不見當年丁令威纍纍高郭帶斜暉春深廢堞妖狐走
天津府志

卷之三十九

藝文詩

望

秋暮平壕野雉飛百畝桑田更舊主幾家邨落敞新扉
西風禾黍郊原外多少寒鴉接翅歸

寄題戴明府漱江亭

明王緘

巢許高風未可論臨流一漱洗乾坤蘆臺半落西江水
草閣長開北海尊自有一絲扶漢鼎遙知五柳是陶門
與來欲鼓山陰棹明月清風幾斷魂

夜宿獨流

明張

霽月中天見絳河黃流滿地漾金波荒陂野火兼漁火
短棹吳歌雜楚歌去鴈已連家信遠閑鷗豈識客愁多
江南二月花如錦獨負歸期奈爾何

九月八日登天津城樓遲謝茂秦山人李于麟比
部賦
明徐中行

遙落千山客思哀
城樓面面海雲開
漁陽秋色三邊盡
碣石悲風萬里來
南北烽烟聊對酒
古今懷抱此登臺
明明朝更有龍山約
羌笛笳聲莫漫催

舊滄州鐵獅

明楊文卿

草埋金馬沒銅駝
到處遺踪麥秀歌
聚鐵何人成錯誤
長年見汝欲摩挲
吼風泣雨縈愁劇
負燕冠鴉受侮多
我意轉銷作農器
買牛耕稼夕陽坡

讀書福泉寺

楊文卿

天津府志

卷之三十九

藝文詩

望

竹帛相携訪道林
暫依未敢結同心
日浮香篆襲蘭佩
風遞琴絃雜梵音
掃徑不妨三益入
隔牆習聽一彈吟
揮毫擬作長門賦
獨自悲歌不賣金

謁王忠肅祠

楊文卿

遺像巖巖竝華嵩
高高勲舊德百年空
九天劍履標儀正
三路山川控制雄
汗簡有聲懸白日
荒祠無力戰秋風
墓碑南峙莓苔古
讀罷長吟落照紅

夜發靜海抵直沽作

明徐石麒

禾黍高低弄夕曛
檣燈零亂破黃昏
樹蒸夜氣三分雨
帆掛秋風一葉雲
靜海金鉦傳古戍
直沽牙闥駐新軍

登滄州南川樓

明馮惠

危樓新建枕蘆洲
過客登臨卽勝遊
倚醉北瞻天柱近
憑高東望海門悠
鯨波晚帶霞千道
鶴夢秋啣月一鈎
只謂岳陽多壯麗
古今同樂亦同憂

冀渤海祠

明鄧直卿

德被人心不可忘
秉彝千載仰斯堂
亂繩解後牛爭放
單騎乘時劍已藏
諸葛祠前多碧草
召公庭下幾甘棠
高山不朽乾坤古
衛水東流澤與長

長蘆南樓城

明王國寶

天津府志

卷之三十九

藝文詩

聖

誰城樓閣繼當年
面水金城勢屹然
數與時羸宜復古
地因人盛迥非前
聲來咫尺千舟艣
影入微茫萬竈烟
薄宦異時經梓里
定教駐馬幾揮鞭

張廣文招飲西城樓同來簿熊尉二首

明許言詩

雨餘學士愛清幽
邀我登瀛看十洲
千載風高彭澤飲
九天雲鎖仲宣樓
壺觴眼底燕臺隔
事業心懸魏闕憂
老去不堪供遠眺
參差烟樹幾回頭

酌酒西城四望遙
嗟峩京闕倚雲霄
邨深禾黍青連野
柳暗關河綠護橋
沉日紫霞憑檻落
涵天滄海帶樓搖

雨餘滿地涼風發興劇襟懷萬里高

天宮寺鐘聲

明 貝春

寺額猶題舊賜名疎鐘昏曉度重城何年鼓鑄成追蠡
千載撞敲訝吼鯨牕月欲來僧入定海天將曙客趨程
幾回孤館驚鄉夢疑是楓橋夜半聲

衛河

明 張頌

城下西流遶衛河秋來雨急漲洪波排空雪浪奔騰遠
得水魚龍變化多兩岸人家分野色萬株楊柳挂烟蘿
漁翁不解東西路穩坐船頭發浩歌

讌集朗吟樓

張頌

天津府志

卷之三十九

藝文詩

四

鶴去何方別有樓丹城隱映愜奇遊晴沙遠帶春花媚
碧落高懸夜月幽水勢奔鯨稱壯麗人生浮梗叙綢繆
清宵一望長安近豈是烟波白鷺洲

國朝

過南皮

王鐸

無端却入蓀陽道乘興驅馳渤海前樹老新蟲藏
暗窟木稠小燕掠流泉古皮城下風吹路太史河
邊浪拍天暑退沙衢多馬跡珍花奇草為誰妍

登津門稽古寺閣

高爾修

歲餘積雪苦疑寒閣步登臨古寺闕百雉金城

外峙一灣漕水坐中看東浮烟霧蜃樓市北起風
沙燕塞巒乘興欲窮千里日

帝京遙在五雲端

河間從山公乞滄酒

王士正

五時新成禮百神同時銜

命帝城闔朔風初過毛萇里西日難遮庾亮塵丹荔黃
蕉炎海路茂林修竹鏡湖濱今宵且乞麻姑酒別
後俱爲萬里人

自三韓歸靜海山行有感

高緝睿

芙蓉千疊勢逶迤行逐春光去欲遲水落雲根風

天津府志

卷之三十九

藝文詩

巽

送響烟浮柳岸綠垂絲人家半在青巒外芳草平
臨夕照時路入鄉園聊計日到來客思轉迷離

憶浣園梅花

高緝睿

疎牕殘雪夜悠悠小苑梅花憶舊遊短笛幾人吹
塞曲深杯有客動鄉愁寒烟淡鎖光凝戶斜月低
垂香滿樓近日關河無驛使一枝誰寄慰淹留

亂後歸里高廣文招飲浣園

權在一

梅雨初晴麥浪黃故人招我過山莊河流一曲圍
春塢松栢千章覆草堂婢約輕風紅玉動芬芳新
蟻鬱金香歸鴉莫促遊人去二十年來醉辟疆

明吟樓呂祖祠

王公弼

丹梯掃碧枕河流可是仙人居好樓雲往乍疑蓬

島近月明還憶楚江秋洞庭西放雙鳧去滄海今

隨一劍遊夜靜波澄聽唳鶴醉驚珠斗豁吟眸

同友人過華藏菴

高恒懋

長夏蕭疎倦倚樓相將蘭若慰沉浮午鐘敲醒十

年夢溪水流殘半世愁塔影斜侵竹院冷茶烟不

斷白雲流徘徊竟日風塵外話到無生意未休

八月十五夜集天津曹武備斌官舍分韻得床守

朱彝尊

天津府志

卷之三十九

藝文詩

吳

北里商歌倚笛牀層城秋色轉蒼涼關河西望猶

千里

自注時將適雲中

烏鵲南飛更幾行冷露自零敲桂

樹深杯無那鬱金香習池不改山翁興倒載還同

舊葛疆

大悲院次馮序珍韻

沈一揆

水落津門隔上方千秋寒玉尚如僵沙浮古渡晴

吹雪鹵積平疇暖作霜放下春愁心更濶拈來花

片指還香相看直是廬山社欲就松陰結草堂

天津夜泊次季友韻寄方回赤城

周綸

搖落悲秋擬問天夜鐘岑寂纜行船銀河無路看

垂盡壁月長空照自圓京洛弟兄憑短札鄉園
物憶殘年津河一綫通瀛海遮莫仙山隔暮烟

無棣城

胡惟一

無棣荒城何處尋兒童指引到河陰霸圖無改山
川舊劫火俄驚草樹深點點寒鴉歸暮堞行行野
鷺起秋霖人間多少繁華夢瘦馬斜陽太不禁
新安查翁天行久客天津年七十矣新構一園曰
水西園辱招遊賞停舟竟日賦謝

陳元龍

衆流歸海下津門攬勝名區萃一園林木千章藏

天津府志

卷之三十九

藝文詩

七

曲折烟波萬頃變朝昏棹歌帆影穿雲度田舍邨
墟擊壤喧山徑登高叢菊滿茱萸重插爲開樽
停舟話舊暫淹留把臂相看兩白頭湖海寓公成
大隱冰霜勞客遂三休徵歌曲罷聞吳詠投轄情
殷滯衛流坐倚軒窓還惜別鳳城不遠有丹邱
奉陪座主徐公遊一畝園次吳京兆韻

查慎行

履綦陳迹已多時

乙丑秋先生召同人於此地雅集

十載重遊醉

不辭初綻柳如時態軟未開花爲閨年遲罷官樂
事苔邊杖去國間情局外碁又是一番寒食過錫

簫聲裡雨如絲

天津關月薛文清舊韻

查慎行

地勢東來一掌平忽開官閣起崢嶸
風腥曉市知魚賤客過嚴關喜篋輕
暮雨暗添丁字水春陰低壓直沽城
雲帆轉海非難事誰念東南物力傾

天津別姜西溟次韻

查慎行

同是春風失意時送君真覺拙言辭
杜陵旅食經年久熙甫才名一第遲
青鏡從渠增算髮白身翰客賭殘碁
老來別緒兼師友那得并刀剪亂絲
重陽日一畝園登高同德尹作

查慎行

天津府志

卷之三十九

藝文詩

哭

一笑相從亦偶然勞生誰料再遊燕
黃花濁酒憐佳節老樹空庭感昔年
對榻翻牽連夜夢登高獨欠故山緣
只應鴻雁如兄弟不忍分飛便各天

寄題臨津樓

儲在文

高樓迢遞俯河澗檻外浮雲自古今
齊履舊傳無棣遠禹功惟見鬲津深
風生畫棟歸寒浦烟滿璇題接暮林
何日披襟攜綠玉月明陂土動清陰

寄題臨津樓二首

李興祖

齊北燕南鎖要衝名城無棣舊稱雄
地傳賜履開周治蹟贖疏河念禹功
龍臥雲連關口翠蜃興日

盤海門紅憑高

帝座通呼吸只遜如椽賦筆工

瀛東下邑記鳴弦彈指前塵二十年千樹栽來花
滿郭一樓聳處水平川吟情每憶行騶外客夢常
牽落雁邊見說新加輪奐美城南風物更堪傳

題環水樓

沈儼

百尺烏臺俯碧湍登臨每向靜中看怒濤聲震疑
排闥駭浪花飛欲繞闌地近滄溟思煮海時逢熙
皞慶安瀾波臣退舍皆膏壤一望平疇眼界寬

王比部祠

公諱之象東林君子由刑部謫慶雲縣為黨所害

劉煥

天津府志

卷之三十九

藝文詩

晃

誰云遺愛止甘棠蘇葛殘碑立道傍一意鋤奸甘
就僂千秋崇祀永流芳老松常護清宮月踈竹猶
凝白簡霜多少遊人爭墮淚居然羊祜在襄陽
登環水樓

魯之裕

鎖鑰津門栢府雄牙旗秋漾碧波中河通大海聲
彌壯人上層樓眼愈空跋浪鯨鯢驪得雨濟川舟
楫快乘風堯天猶自憂昏墊倚檻誰思度土功
孟秋同江岷山遊香林有懷野鶴道士

周焯

有客支筇海上來清秋携我訪丹臺船隨沙雁一

行渡門對河流三汊開行藥道人猶似鶴題牆
句半封苔勝游忽憶當年侶獨下長廊步又回

正月九日過海光寺

胡捷

春郊策馬日初遲正是沙平草淺時澗道猶聞水
瑟瑟溪頭已見柳絲絲談入座翻新偈憶往登
樓檢舊詩紅鶴白松成寂寞海天寥濶動相思

重過大悲院

胡捷

聞呬生公舊講堂入門踈柳尙成行一龕仍閉連
環骨十笏空餘解脫香荒沼蒹葭藏積雪斷碑蚪
蚪冷斜陽三年重到添惆悵樓上遙瞻海嶠長

天津府志

卷之三十九

藝文詩

三

過衛安門恭賦

有序

朱函夏

衛安門者天津城西門

憲皇帝欽定名也天津由衛改州又陞州爲府而其先以

衛稱故

賜名衛安是誠異數烏可以草莽自嫌而紀載缺如敬

抽豪成四韻焉

蓬萊仙靄接層城佳氣全將舊象更粉堞高承雲
葉密金題新煥日輪明海襟河帶雄藩地鳳翥龍
蟠

御賜名誰信登高能作賦太平閒煞老儒生

海光寺與墨田上人話舊

查學禮

杖錫飄然何處飛
海光留得瓣香微
板橋中斷無流水
釣艇橫埋有舊磯
回想十年徒耿耿
尋思一夕倍依依
墨田好嗣湘南法
話到情深自息機

望海寺

查學禮

殿角葱蘢寒日明
憑高一望見蓬瀛
河分九派門前合
潮送三山檻外迎
細靄冥濛呈刹影
晚風迢遞度鍾聲
回瞻

宸翰光華著長使波濤晝夜平

天津城西觀水

符曾

天津府志

卷之三十九

藝文詩

至

高下人家住水村
屋山都傍夕烟昏
七旬夏潦成秋潦
百里津門接海門
霜初露芽橫渡口
風帆沙鳥亂城根
不辨首瀛洲地
望斷荒原沒漲痕

葛沽宿洛迦方丈

釋成衡

一鞭東去海天寬
白雁橫秋草樹寒
千里尋山原有約
二毛爲客太無端
裹鹽人散蒼烟淡
挂網船歸夕照殘
獨夜孤村苦無寐
時回吟首望長安

偶過八里臺有懷藍叅軍

釋成衡

去城官路無多里
一堠才過一堠來
深巷無人惟閉戶
夕陽有我獨登臺
烟波寂寂傷今事
風雨蕭

蕭感舊醅天柱峰頭少相識不知懷抱爲誰開
五排

河臨津紀明府詠孤鴈

唐 盧照隣

三秋違北鴈萬里向南翔
河洲花稍白關塞葉初黃
避繳風霜近懷書道路長
水流疑箭動月照似弓傷
橫天無有陣渡海不成行
會刷能鳴羽還赴上林鄉

直沽城

明 王洪

水出漁陽地山橫薊北天
高樓飲海石遠嶼入江烟
市集諸番船軍屯列陣田
風高志氣重失旌旃匪獨
關河壯由來節槩全
精兵亘雲朔勁騎出幽燕
大漠黃天津府志

卷之三十九

藝文詩

三

塵外三韓落照前將持定遠策不用繞朝鞭

慶雲館

明 貝春

薄宦來茲土孤城豈日荒
邑名今諱棣州治舊因滄僧
寺依林靜人家近水涼
貨通泉與布樹種棗兼桑
春雨河魚賤秋風野稻香
年豐興廟祀酒熟喚隣嘗
且喜連東魯應難比互鄉
却慚司教化頭白未爲郎

國朝

朗吟樓九日登高

戴士綸

候氣協陽律披襟憶遠遊
貞元旬甲子運會毓春
秋青鳥天中噦雲旗象外悠
傳經存古道携酒上

言... 焚烟霞迥管絃松竹幽莢囊繫繡臂菊實
... 鳳嶺何人眺龍沙逐水流紫桃園裏摘玉
... 月中求孺子功難并黃公履可收何年吹鐵笛
長嘯跨山頭

陪葬使君祀海神廟恭紀十二韻 段如蕙

睿德三靈協符功九有同懷柔先岳瀆秩望遍西
東祝冊傳中使親牲職鉅公旌旗明海上饒鼓譟
晴空越宿齋宮暮牽牛夜正中內香擎寶炷沉璧
奠河宗俎豆容儀古衣冠贊拜隆精英昭祀典豐
潔報神功余添趨承後叨陪禮數崇愧無明信達
天津府志

卷之三十九

藝文詩

五

敢望悃誠通瑞獻風颺息祥呈歲事豐神人共嘉
悅歸報未央宮

靜海宮齋與姪浩基書舊

劉文煊

班馬聲何數飛龍翼竟乘五年違小阮一夕臥高
齋庭接雙槐影城荒十字街清風鳴野鶴涼月沸
官蛙蕭索仙郎署淒其過客懷無家勞轉徙漸老
惜筋骸白日誰能繫浮雲不可排憂來難遽遣空
道酒如淮

舟行丁沽

釋成衡

放溜下丁沽人家半水居淺沙分井竈小市集樵

漁榆柳栽成巷茄瓜載滿輿波光浮岸澗星影入
林疎土釜炊紅蠚青絲釣白魚帆收晴過擘燈上
夜翻書雲臥人爭得鷗閒我不如輕烟遙拂岸細
雨不沾裾湧沫飄行旆狂波撼太虛荒荒千里外
只此亦吾廬

七排

送南銓劉司務顯道考績北上

明楊繼盛

春日蒼蒼春晡晴紅亭黯黯送霓旌留連鳥語憐人別
荏苒楊花共酒傾桃塢雨餘香氣合錦江潮靜浪痕明
烟浮曉嶂巘岼碧霞逐征帆縹緲輕牛渚曲通瀛海澤

天津府志

卷之三十九

藝文詩

七

緱峯迥向秣陵城月高鷗在鏡中宿溪漲橋疑天際行
牛野分星驚太史燕雲如幕覆神京楓宸報政恩波濶
椿坐稱觴彩袖輕知已漸隨流水遠離愁端與削山平
論文每惜松顏落折柳應悲雁序更旅病偏因歸客劇
夢思祗爲故鄉生送君惟有東風淚點點沾衿無限情
五絕

國朝

過滄州

王士正

春草千里合春波兩岸生迢迢新柳色碧過卅兮
城

冬夜坐大悲禪林咏新月二首 周焯

一鈎吐微雲寒空獨來往不與老僧期時挂青松

上

高天散斜輝寒庭露微白竹影不分明參差亂行

跡

桃花口書酒家壁 查學禮

小店酒初熟野田花正開我來謀一醉杜宇莫相

催

夏晚坐攬翠軒作 李源

竹氣涼通檻蟬聲響墮池一鈎新月上扶醉下船

天津府志 卷之三十九 藝文 五

遲

七絕

落鴈灘小景 宋仇萬頃

六七葉蘆秋水裏兩三個鴈夕陽邊青天萬里渾無礙

衝破寒潭一抹烟

直沽 元王懋德

極目滄溟浸碧天蓬萊樓閣遠相連東吳轉海輸稷稻

一夕潮來集萬船

次無棣縣 明陶安

鬚結堅冰斷數莖每逢村塹少舒情僕夫皴手輪遲輾

行到日斜方近城

武帝臺

明王翺

地築高臺幾丈餘登臨望海有僊居晚年下詔方哀悔
藥大文成總是虛

青縣遇舊

明李時勉

晚過小邑暫徘徊舊友相邀醉一盃高枕西風隨棹去
不知明月上船來

長蘆道

明楊翥

秋色兼旬暑未捐蓼花開遍亂鳴蟬兒童嬉戲清陰裏
野屋鱗鱗傍水邊

天津府志

卷之三十九

藝文詩

五

平津鄉

明楊文卿

高低禾黍影重重遙望平津未有蹤當日公孫成底事
居人慚認是渠封

過黃花村

楊文卿

海上青山掛落霞征車漸近野人家偶然過眼鷺黃色
十里風吹苦蕒花

七女塚

楊文卿

長堤東望鬱蒼蒼抱土人亡復幾霜行路相過空嘆息
孤坟野草自斜陽

西樂

明張縉

水國禾生秋水餘家家生計任樵漁短鎌刈得乾蘆荻
乞水船頭煮白魚

范橋渡

張縉

雨歇飛虹影半存微茫煙樹接西村孤舟向晚人爭渡
立近沙頭語正喧

乾寧驛亭甘井

張縉

誰開古井驛亭中百尺曾聞海眼通六月行人汗如雨
轆轤清響下梧桐

直沽權歌

明無名氏

天妃廟對直沽開津鼓連船柳下催釀酒未終舟子報

天津府志

卷之三十九

藝文詩

五

柁樓黃蝶早飛來

雲帆十幅下津門日落潮平不見痕蒹葭茫茫何處泊
一燈明處有漁村

靡蕪楊柳綠依依檣燕檣鳥立又飛賺得南人鄉思緩
白魚紫蟹四時肥

國朝

集問津園分賦時余有楚行

沈一揆

小築池亭傍北郊雙扉時許故人敲庭前不蓄閑
花草手植雙松待鶴巢

宛洛分泥栽芍藥海門引水種芙蓉李家樓閣吳

家樹誰道君園尙不如

垂楊四面小窻低春到枝頭綠未齊永泮玉河新
水漲一灣直過草堂西

半篙春水一扁舟只載斜陽不載愁我到瀟湘還
妬汝綠楊堤畔控驂驩

泊頭鎮見杏花

查慎行

澹烟銷處日初銜酒旆微風到布帆我自偶從花
底過不勞蝴蝶上春衫

滄州阻風謝別峯同年餉酒二首 查慎行

風程半日滯滄州客恨除非醉卽休安得春江變

天津府志

卷之三十九

藝文詩

五

春酒薩摩陂外水

青旗夾岸酒家樓正坐囊空價莫酬慚愧貧交分
一斗爲余親典黑貂裘

泊子牙河登太公釣臺作

魯之裕

把釣成功老亦甘白頭磻石自難堪綸絲徒向漁
竿引風雨龍影夢未酣

直沽鼠師歌

金大中

丁字沽邊春水生桃花寺口暮烟平年年嫁娶漁
船裡不用前溪打槳迎

過雙港

周 蕙

水車灌井疾於轂少
推犁健似男莫訝此鄉風
景異年來何處不江南

河上望南皮作

劉文煊

際曉層陰半面開
參差煙樹隔河來
浮瓜沉李知何處
遙望當年燕友臺

唐屯舟夜

查學禮

路入唐屯趁夜行
船頭吹笛月三更
依稀記得年

來事燈火樓臺笑語聲
去年過此適村社賽會

詞

柳梢青
過楊柳青作

明高承埏

天津府志

卷之三十九
藝文詩

堯

春事今年山桃無恙
花朵依然細雨霑沙
歸雲逗日淺碧羅天
青青楊柳隄邊且繫住
烏篷小船荻筍新芽
河豚欲上拚醉鱸前

國朝

浣溪紗
天津道中

朱彞尊

海燕西飛白日斜
許津橋春水浸紅霞
雍陶鷓鴣鷓

鵝滿晴沙
杜甫樹色到京三百里
殷堯藩柳條垂岸

一千家
劉商櫂聲烟裏獨嘔啞
韋莊

燭影搖紅
庚戌九日偕同人尋菊旋憩野雲亭雅集分賦

李之嶽

逸興凌秋秋江萬里看無迹
漫言風雨近重陽今

日晨光霽何處金英翠蒂映踈籬西風搖曳捲我
衣寒莎縱屨幽芬襲袂落木澄波茆亭一箇
雲留砌龍山栗里總間情千載欣同契愛此晚香
點綴共傾倒遙遙睥睨數行征雁幾點歸鴉一聲
鶴唳

鳳凰臺上憶吹簫

朗吟樓

李之擘

鴉點殘霞蟬喧落葉碧天爽氣橫秋喜登高眺遠
長嘯危樓瞭歷征鴻幾字傍蘆渚還度沙洲凝眸
處征帆欲下波靜寒流悠悠今來古往悵三山

五壘斷塹荒邱但晴嵐翠逼晚樹紅稠坐久涼颼

天津府志

卷之三十九

藝文詩

李

留 襲袂美瓜鷓會翻雲頭徘徊久夕陽西下欲去還